

## Siunnersuummut oqaaseqaatit

### Siunnersuummut nalinginnaasumik oqaaseqaatit

#### 1. Aallarniut

1.1. Siunnersuummi tunuliaqutaasoq aamma siunertaq pingaarneq Ilinniartitaanermut, Kultureqarnermut, Ilisimatusarnermut Ilageeqarnermullu Naalakkersuisoqarfik ingerlaavartumik biskopeqarfimmut attaveqartarpoq, ilagiinnut inatsimmik aqutsinermit atatillugu (Inatsisartut inatsisaat nr. 9, 19 maj 2010-imeersoq Ilageeqarneq pillugu, Inatsisartut inatsisaata allanngortinneqarneranik Inatsisartut inatsisaat nr. 2, 29. november 2013-imeersoq). Tamanna tungavigalugu pisariaqartutut nalilerneqarsimavoq siunnersuummik saqqummiussinissaq, allannguineramik aamma erseqqissaateqarnermik imaqartunik, ilageeqarnermut inatsimmi aalajangersakkani ataasiakkaani.

1.2. Inatsisissamut piareersaasiornermi tungaviusut pingaarnerit Inatsisissamut siunnersuusionermit atatillugu Ilageeqarnermut Naalakkersuisoqarfik aamma biskopeqarfik arlaleriarlutik ataatsimiittarsimapput kissaatit pisariaqartitsinerillu paaseqatigiissutigiumallugit.

1.3. Siunnersuutip imarisai ataatsimut isigaluni Siunnersuutigineqarpoq ilageeqarnermut inatsimmi § 20-mik allannguinissaq, palaseqarfinni oqaluffiit illutaat aamma toqusut inaat eqqarsaatigalugit.

Siunnersuutigineqarpoq ilageeqarnermut inatsimmi § 25, imm. 2 aamma § 26, imm. 2 ajoqissanik aamma pattattussanik ilinniartitsinernek aaqqissuussinermut malittarisassani allannguuteqartitsisoqarnissaa.

Siunnersuutigineqarpoq ilageeqarnermut inatsimmi § 26 e-p aamma 26 j-p malittarisassaasa erseqqissaasivigineqarnissaat, paasissutissiiviusunik ataatsimiittarnerit pillugit, aamma § 26 f aamma § 26 k oqaaseqaateqarnissamik siunnerfeqartumik ataatsimiittarnerit pillugit.

Erseqqissaatinik siunnersuuteqartoqarpoq qanoq pissusilersortoqassanersoq palasitit imaluunniit provstitut atorfimmud qinnuteqartup qinnuteqaatini utertissimappagu. Tamatumunnga aalajangersakkat siunnersuutigineqarput inissinneqassasut § 26 f, imm. 2-mi palasinut tungatillugu aamma § 26 k, imm. 2-mi provstinut tungatillugu.

Kiisalu siunnersuutigineqarpoq akitsuummik akiliuteqartitsisarnermut aalajangersakkamik pilersitsisoqassasoq, oqaluffinnut pulaartarnermut, naalagiat avataasigut. Tamatumunnga aalajangersagaq siunnersuutigineqarpoq nutaatut § 26 q-tut.

#### 2. Siunnersuummi qulequttat pingaarnerit

2.1. Inatsisit atuuttut

*Palaseqarfiup oqaluffii aamma toqusut inaat*

Ilagiit pillugit inatsisip 2013-imi allanngortinneqarnerani akuersissutigineqarpoq oqaluffiit illutaannik toqusullu inaannik nakkutillineq, atuagarsuarnik allattuisumit palasimit isumagineqassasoq, ilagiit sinniisaat suleqatigalugit, ilagiit sinniisaannit kisimi isumagineqarani, tak. § 20, imm. 1. Nakkutillineq aalajangersagaq naapertorlugu Naalakkersuisunit aalajangersakkat naapertorlugit ingerlanneqassaaq. Naalakkersuisut piffissami matumani nakkutilliinermut malittarisassanik aalajangersaasimanngillat. Tamannali pisariaqarsimanngilaq, tassami palasi atuagarsuarnik allattuisuusoq maannamut ajornartorsiutitaqanngitsumik suliamik isumaginnittuusimammat.

*Ajoqinik aamma organistinik ilinniartitsinermik aqutsineq*

Ajoqissanik aamma organistinik ilinniartitaanerit aqunneqarput Namminersornerullutik Oqartussat nalunaarutaat nr. 15, 26. april 1985-imeersoq Kalaallit Nunaanni ajoqissat ilinniartitaanissaannut tunngasoq aamma Kalaallit Nunaanni organistit ilinniartitaasalernissaannik Namminersornerullutik Oqartussat nalunaarutaat nr. 26, 1. december 1987-imeersoq naapertorlugit. Aaqqissuussinerit taakkua marluk nassaassaajunnaarnikuupput. Nalunaarutilli atortiinnarneqarsimallutik ilinniakkat naammattumik aalajangersakkatigut tunngavissaqartikkumallugit. Taamaattoq paasinarsisimavoq nalunaarutit tunngavigalugit aaqqissuussineq pisariaqanngitsoq, ilinniakkanik aaqqissuussanik peqarmat, ilinniagaqarnernut ataatsimiititaliamit biskoppeqarfimmit pilersitaasumit, aammalu ilinniakkamik aaqqissuussinermik aqutsisoqarmat pisariaqartunik aalajangersagartaqartunik. Taamaattumillu siunnersuutigineqarpoq nalunaarutit atorunnaarsinneqarnissaat.

Nalilerneqarpoq biskoppeqarfik pisorta qarfiusoq naleqqunnerpaaq suliassaqarfimmi tassani malittarisassioartarnissanut, tassani ilisimaneqarmat pisariaqartitsineq qanoq ittuunersoq. Kiisalu inatsimmi atuuttumi ersereermat §§-ini 25 aamma 26-mi biskoppip ajoqinik aamma pattattunik ilinniartitsinerit isumagisarigai, taamaattumillu ilinniartitaanernut akisussaaffik biskoppimeereerluni.

*Ataatsimiinnerit ilisimatitsiviusartut aamma oqaaseqaasiorfiusartut*

Palasinik aamma provstinik atorfinitsitsinernut atatillugu biskoppi imaluunniit biskoppimit piginnaatinneqartoq provsti aamma ilagiit sinniisaat qinikkat ilisimatitseqatigiiffiusumik ataatsimiittarput, tassanilu biskoppi qinnuteqartut pillugit ilisimatitsisarpoq, tak. ilageeqarneq pillugu inatsimmi §§-it 26 e aamma 26 j. Tamatuma kingorna ingerlanneqartarpoq, tak. ilageeqarneq pillugu inatsimmi §§-it 26 f aamma 26 k oqaaseqaateqarnissamut ataatsimiinneq, ilagiit sinniisaasa qinikkat qinnuteqaatinut oqaaseqaateqarfigisaat. Oqaaseqarneq taasinikkut pisarpoq.

Inatsit atuuttoq naapertorlugu ilagiit sinniisaat qinikkat aamma biskoppi imaluunniit biskoppimit piginnaatinneqartoq provsti, kisimik ilisimatitseqatigiiffiusumi aamma oqaaseqaateqarfiusumi ataatsimiinnermi peqataasinnaapput. Ilagiit sinniisaasa nalinginnaasumik ataatsimiinneranni kikkut peqataasinnaanersut, aamma kikkut taaseqataasinnaanersut ilageeqarnermut inatsimmi § 16-imi nalunaarneqarput. Taamaattoq

pissusissamisoortinneqarsimavoq inatsisikkut erseqqissassallugu ilisimatitseqatigiiffiusumik aamma oqaaseqaateqarniarluni ataatsimiinnerit tamanut ammasuunngitsut.

Palasinik atorfinitsitsinernut il.il. ilagiit sinniisaasa peqataatinneqartarnerat pillugu Namminersornerullutik Oqartussat nalunaarutaanni nr. 38, 29. december 1998-imeersumi § 8 naapertorlugu taasinerit allakkatigut isertortumillu pisussaapput. Taamaasillunilu nalunaarummi § 9-mi ersippoq inassuteqaateqarniarluni ataatsimiinnerup (maanna oqaaseqaateqarniarluni ataatsimiinnerit) inerneru, tamatumani aamma taasineri kisitsisit inernerusut, aalajangiinernut allattaavissuarnut allanneqassasut. Allakkatigut isertortumillu taasisoqartarnissaanik piunasaqarnerup kinguneraa taasinerit amerlassusaat pillugu suliami paasisaqarnissamik piunasaqarnikkut paasinierneqarsinnaaneri, kisitsisit qinnuteqartunut ataasiakkaanut tuttu eqqarsaatigalugit, kisiannili isertuunneqarluni kina qanoq taasisimanersoq. Kiisalu maannamut ileqquusut naapertorlugit ajornarsimavoq ataatsimiinnerniit allanik paasisaqarsinnaaneq paasisaqarnissamik piunasaqarnikkut. Tamannalu oqallisaangaatsiarsimavoq ilaatigut ombudsmand-ip suliaanut atatillugu, taamaattumillu pissusissamisoortinneqarsimalluni erseqqissassallugu qanoq ataatsimiinnermi ilisimatitseqatigiinnermut aamma ataatsimiinnermi oqallinnermut pissuseqartoqartassanersoq.

Ilisimatitseqatigiiffiusumik aamma oqaaseqaateqarniarluni ataatsimiinnerit sanilliunneqarsinnaapput ataatsimiititaliami atorfinitsitsisartumi ataatsimiinnertut, tassani aallaavittut allattuisoqartanngimmat, allagaatinik takunnissinnaatitaaneq tunngavigalugu takujumaneqarsinnaasunik. Atorfinitsitsisarnermut ataatsimiititaliami ataatsimiinnerni peqataasut killilersugaanngitsumik oqaaseqarsinnaatitaassapput.

*Palasitut imaluunniit provstitut atorfirmut qinnuteqaammik utertitsisarnerni periaasissat*  
Maanna aaqqissuussamik aqunneqanngillat qanoq pissuseqartoqassanersoq qinnuteqartup qinnuteqaatini utertippagu, ilagiit sinniisaat oqaaseqaateqareersut, biskoppili Naalakkersuisunut suli inassuteqaateqanngitsoq. Aaqqissuussamik apeqqummi tassani aqutsinikkut amigaataasoq ajornartorsiutitut isikkoqalerpoq suliami aalajangersimasumi, taamaattumillu pisariaqartitsinermik peqalerluni tamatuma aaqqissuussamik aqunneqarnissaanut. Pinngitsoorniarlugu taasinerit ilaasa maangaannarsinnaaneri siunnersuutaasimavoq nutaamik oqaaseqaasiornermik suliaqartoqartalissasoq, taasikkut.

*Akitsuummik akiliisitsisarneq oqaluffinni naalagiat avataasigut pulaartoqartarnernut*  
Inatsimmi maanna atuuttumi periarfissaqanngilaq ilagiit sinniisaasa akitsuummik akiliisitsisarnissaannut, oqaluffimmik ammatitsissagunik oqaluffimmi ammaffiuserartut nalinginnaasut avataasigut. Ilagiit sinniisaat tamanna pillugu amerlasooriarlutik naapittarput, kisianni suliat pissarsissutigineqassanatik. Taamaattumik naapertuuttut nalilernerqarpoq kiffartuussinernut taamaattunut akitsuummik akiliisitsisalernissaq.

## 2.2 Siunnersuut

*Palaseqarfimmi oqaluffiit toqusullu inaasa nakkutigineqarneri*

Siunnersuutigineqarpoq aalajangersakkap ilaa Naalakkersuisunik pisussaaffiliisoq nakkutilliinissamik peerneqassasoq. Taarsiullugu siunnersuutigineqarpoq imm. 3-mik

nutaamik § 20-imi ikkussisoqarnissaa, tassanilu ersilluni Naalakkersuisut malittarisassiorsinnaasut nakkutilliinermut tunngatillugu. Kingusinnerusukkut paasinarsissappat nakkutilliineq pillugu malittarisassanik pisariaqartitsisoqartoq Naalakkersuisut taamaattunik aalajangersaasinnaanngorlugit.

*Ajoqitut pattattutullu ilinniartitaanerit aqunneqarneri*

Siunnersuutigineqarpoq Namminersornerullutik Oqartussat nalunaarutaat nr. 15, 26. april 1985-imeersoq Kalaallit Nunaanni ajoqissat ilinniartitaanissaannut tunngasoq aamma Kalaallit Nunaanni organistit ilinniartitaasalernissaannik Namminersornerullutik Oqartussat nalunaarutaat nr. 26, 1. december 1987-imeersoq atorunnaarsinneqassasut, ilinniartitaanerillu siunissami ilinniartitsinermik aaqquissuussinikkut biskoppimit aalajangersarneqartartukkut aqunneqalissasut. Ilinniartitsinermilli aaqquissuussinerit Naalakkersuisunut nassinneqartussaapput akuerisassanngorlugit.

*Ilisimatitseqatigiiffiusumik aamma oqaaseqaateqarnissamut tunngasumik ataatsimiittarnerit*

Siunnersuutigineqarpoq ilisimatitseqatigiiffiusumik aamma oqaaseqaateqarnissamut tunngatillugu ataatsimiittarnerit tamanut ammasuussanngitsut. Ersippoq, tak. soorlu siusinnerusukkut nalunaarneqartut, toqqaannangitsumik inatsimmi aalajangersagaasutut, kisiannili nalilernerqarluni inatsimmi erseqqissaasoqartariaqartoq. Ataatsimiinnerit nalinginnaasumik atorfinitsitsisarnermut ataatsimiititaliami ataatsimiinnernut assersuunneqarsinnaapput, avataaneersullu ataatsimiinnerni taamaattuni susassaqaanngillat, inuit ataasiakkaat pillugit oqaloqatigiinnernik imaqartarmata.

Tamatumalu saniatigut siunnersuutigineqarpoq akuersissutigineqassasoq imaqarniliaasinnaasut allattugaataasinnaasullu ataatsimiinnerniit isertuunneqartassasut. Pisortani ingerlatsinermi malittarisassat atuuttut naapertorlugit ataatsimiinnerniit allattuisussaataitaneq pisussaaffiussaaq. Taamaattoq naapertuuttutut pissusissamisoortutullu nalilernerqarpoq imaqarniliat isertuussassaassasut, ilagiit sinniisaat qinikkat killilersugaanngitsumik qinnuteqartut pillugu ilisimatinneqarsinnaasussaammata paasissutissanillu qinnuteqartut pillugit pissarsiarisaminnik oqallisigisaqarsinnaallutik. Ileqqusoq taanna naapertuuppoq pisortat ingerlatsiviini atorfinitsitsisarnermut tunngasumik sulianik aaqquissuussinerit.

*Palasitut imaluunniit provstitut atorfinnut qinnuteqaammik tunuartitsisarnermi periaatsit*

Qularnaarumallugu taasinerit tamarmik qinnuteqartunut tutsinneqartarnissaat, siunnersuutigineqarpoq oqaaseqaateqarnissamik siunertaqartumik nutaamik ataatsimiittoqartassasoq, qinnuteqartoq qinnuteqaammik tunuartitsisimappat, ilagiit sinniisaasa oqaaseqaateqareerneranni, biskoppilli suli Naalakkersuisunut inassuteqaateqaannginnerani. Ilanngulluguli aamma siunnersuutavoq aalajangerneqassasoq tamanna taamaallaat atortuussasoq qinnuteqartoq qinnuteqaatiminik utertitsisoq oqaaseqaateqarniarluni ataatsimiinnermi siullermi taaneqarsimagaangat. Siunertaasoq tassaavoq taasinerit maangaannartoqaannginnissaa, tamannalu taamaattumik pisariaqassanngilaq taasinerit siullermi qinnuteqartoq pineqartoq taaneqarsimannngippat.

*Oqaluffimmi naalagiat avataasigut pulaartarnermut akitsuummik akiliteqartitsisarneq Pissusissamisoortut isigineqarsimavoq atortuulersissallugu ilagiit sinniisaasa oqaluffiup nalinginnaasumik ammasarfiisa avataanni oqaluffimmik ammaasarnerannut akitsuummik akiliutissamik piumasaqartoqartalernissaa. Akitsuutikkut aningaasartuutit suliami tassani pinngortut matussuserneqartassapput. Siunnersuutaavorlu akiliutaasut sumiiffimmi pineqartumi ilagiinnik sullissinermi atorneqartassasut.*

<b>Inatsisissatut siunnersuut inatsimmut atuuttumut sanilliullugu</b>	
<i>Oqaasertat atuuttut</i>	<i>Inatsisissamut siunnersuut</i>
	<b>§ 1</b> Inatsisartut inatsisaat nr. 9, ulloq 19. maj 2010-imeersoq, allanngortinneqartumi Inatsisartut inatsisaatigut nr. 2, ulloq 29. november 2013-imeersukkut, imaattunik allannguuteqartitsisoqassaaq:
<p><b>§ 20.</b> Palasi atuagarsuarnik allattuisoq palaseqarfimmi oqaluffiit illuutaat toqusullu inaat taakkununga ilanngullugit Naalackersuisunit aalajangersarneqartut malillugit nakkutigissavaat. Nakkutillineq najukkami ilagiit sinniisaat suleqatigalugit pissaaq. Palasi atuagarsuarnik allattuisoq palaseqarfimmi nakkutillineq pillugu ukiumoortumik nalunaarusiamik provstimut nassiussissaaq. Illuutit isumannaatsumik aserfallatsaalinnissaat provstip isumagissavai.</p>	<p><b>1. § 20, imm. 1, oqaaseqatigiit siulliit imatut oqaasertalerneqassapput:</b> ”Palasip atuagarsuarnik allattuisuusup nakkutigisarissavai oqaluffiup illutai toqusut inaat ilanngullugu.”</p>
<p><b>§ 20.</b> Palasi atuagarsuarnik allattuisoq palaseqarfimmi oqaluffiit illuutaat toqusullu inaat taakkununga ilanngullugit Naalackersuisunit aalajangersarneqartut malillugit nakkutigissavaat. Nakkutillineq najukkami ilagiit sinniisaat suleqatigalugit pissaaq. Palasi atuagarsuarnik allattuisoq palaseqarfimmi nakkutillineq pillugu ukiumoortumik nalunaarusiamik provstimut nassiussissaaq. Illuutit isumannaatsumik aserfallatsaalinnissaat provstip isumagissavai. <i>Imm. 2.</i> Init naalagiartarfittut atorneqartut (atuarfiit naalagiartarfuiutigisut) nakkutigineqarnerat kommunip ataatsimiititaliaa susasaqartoq suleqatigalugu pissaaq.</p>	<p><b>2. § 20 -imi, imm. 3-tut ikkunneqassaaq:</b> ” <i>Imm. 3.</i> Naalackersuisut nakkutilliinermit malittarisassiorsinnaapput.”</p>
<p><b>§ 25.</b> Biskoppip isumagisaraa ajoqinik ilinniartitsineq, naalagiartitsinermi aamma ilagiinnut tunngasuni suliaqarnermi, allattukkanik atuaanermi, oqaluttuareqqiinnermi allatullu saqqummiussinermi piginnaasassanik ilinniartup pissarsisinneqarnissaanik</p>	<p><b>3. § 25, imm. 2, imatut oqaasertalerneqassaaq:</b> ” <i>Imm. 2.</i> Biskoppip ajoqinik ilinniartitsinermi aqqissuussineq aalajangersartassavaa, tamatumani aamma pikkorissaasarnermut ataatsimiititaliaq, ilinniakkamut isernissamut piumasaqaatit</p>

<p>siunertaqartoq, taamaalilluni ajoqi suliamut ilisimasaqarluni akisussaassuseqarlunilu ilagiinnut inuiaqatigiinnullu tunngatillugu kiffartornermini isumaginnissinnaasunngorlugu.</p> <p><i>Imm. 2.</i> Naalakkersuisut ajoqinik ilinniartitsineq, matumanittaaq pikkorissaanermut ataatsimiititaliaq, ilinniartussatut tiguneqarnissamut piunasaqaatit aamma ilinniartitaanerup imarisai annertussusaalu kiisalu ilinniarsimanermut uppersaait pillugit aalajangersaasinnaapput.</p>	<p>aamma ilinniakkap imai aamma annertussusia, kiisalu ilinniagaqarsimanermut allagartat. Biskopip ilinniakkamik aqqissuussineq Naalakkersuisunut akuersissutigisassatut nassiuttassavaa.”</p>
<p><b>§ 26.</b> Biskoppip isumagisaraa pattattunik ilinniartitsineq, piginnaaneqarfigalugu pattattut kiffartornerup, allatigullu ilagiinni nipilersornermi, matumanittaaq erinarsoqatigiinnik siulersuinermi, suliani piginnaasassanik ilinniartup pissarsisineqarnissanik siunertaqartoq. Ilinniartitaaneq illoqarfinni nunaqarfinnilu naalagarnermi nipilersorteqarnerup siursaavigineqarneranut iluaqutaassaaq. Ilinniartitaanermi pingaarnersaavoq ilagiinni nipilersornissamut tunngasut.</p> <p><i>Imm. 2.</i> Naalakkersuisut pattattunik ilinniartitsineq, matumanittaaq pikkorissaanermut ataatsimiititaliaq, ilinniartussatut akuerineqarnissamut piunasaqaatit, ilinniartitaanerup imarisai annertussusaalu kiisalu ilinniarsimanermut uppersaait pillugit aalajangersaasinnaapput.</p>	<p><b>4. § 26, imm. 2,</b> imatut oqaasertalerneqassaaq:  ” <i>Imm. 2.</i> Biskopip pattattunik ilinniartitsinermik aqqissuussineq aalajangersartassavaa, ilinniakkamut isernissamut piunasaqaatit aamma ilinniakkap imai aamma annertussusia, kiisalu ilinniagaqarsimanermut allagartat. Biskopip ilinniakkamik aqqissuussineq Naalakkersuisunut akuersissutigisassatut nassiuttassavaa.”</p>
<p><b>§ 26e.</b> § 26 f malillugu oqaaseqaammik tunniussisoqarnissaa pitsinnagu sapinngisamik biskoppip imaluunniit provstip biskoppip piginnaatitaata aamma ilagiit sinniisaanni ilaasortat qinikkat akornanni qinnuteqaatinik ilisimatitsiffiusumik ataatsimiittoqassaaq. Ataatsimiinnissaq qinnuteqarfissamut piffissaliussap kinguninnguutigut biskoppimit aalajangerneqassaaq biskoppimillu provstimilluunniit biskoppimit piginnaatinneqartumit aqunneqassalluni. Ilagiit sinniisaannit ataatsimit arlalinniilluunniit qinnuiginnittoqareerneratigut imaluunniit tamanna biskoppimit kissaatigineqarpat biskoppip ilagiillu sinniisaasa akornanni</p>	<p><b>5. § 26 e -mi imm. 1-</b>ip kingorna immikkoortutut nutaatut ikkunneqassaaq:  ” <i>Imm. 2.</i> Ilisimatitseqatigiiffiusunik ataatsimiinnerit tamanut ammasuunngillat. Ataatsimiinnernit imaqarniliaasinnaasut allattugaatillu isertuussassaapput.”</p> <p><i>Imm. 2</i> taamaasilluni <i>imm. 3-</i>ngussaaq.</p>

<p>ilisimatitsiffiusumik allamik ataatsimiittoqassaaq. <i>Imm. 2.</i> Ilisimatitsiffiusumik ataatsimiinnermut imm. 1-imi taaneqartumut piffissaliussanut periusissanullu malittarisassanik Naalakkersuisut aalajangersaasinnaapput.</p>	
<p><b>§ 26f.</b> Palaseqarfimmi palasitut atorfinnut inuttaqanngitsunut atorfinitsitsinissaq pillugu palaseqarfimmi ilagiit sinniisaannit qinikkat oqaaseqaammik tunniussaqaassapput. Sapinngisamik biskoppip ilisimatitsiffiusumik ataatsimiititsinerata kinguninngua oqaaseqaateqarfiusumik ataatsimiittoqassaaq. Oqaaseqaat taasiffissatut pingaarnersiorlugu tunniunneqassaaq, ilagiillu sinniisaat ajornanngippat peqataasut 3-t taaneqarsinnaasuni piukkunneqartunik taaneqarnerpaanik nalunaaruteqassallutik. <i>Imm. 2.</i> Biskoppi sapinngisamik qinnuteqartunik pingasunik pingaarnersiorlugit tulleriiarneqartunik inassuteqassaaq. Biskoppip qinnuteqaatit ilagiit sinniisaasa oqaaseqaataannik ilallugit kiisalu nammineq inassuteqaatini ilanngullugu Naalakkersuisunut nassiutissavai.</p>	<p><b>6. § 26 f</b>-imi ikkunneqassapput imm. 1-ip kingorna nutaatut immikkoortutut: ” <i>Imm. 2.</i> Ilagiit sinniisaasa oqaaseqaateqareerneranni, sulili biskoppi Naalakkersuisunut imm. 4 naapertorlugu inassuteqaateqanngitsoq qinnuteqartup qinnuteqaatini tunuartippagu, nutaamik oqaaseqaateqarnissamut ataatsimiinnermik ingerlatsisoqassaaq. Qinnuteqartoq qinnuteqaammik utertitsisoq oqaaseqaateqarnissamut ataatsimiinnermi siullermi taaneqarsimanngippat nutaamik oqaaseqaateqarniarluni ataatsimiinnermik ingerlatsisoqassanngilaq. <i>Imm. 3.</i> Oqaaseqaateqarniarluni ataatsimiinnerit tamanut ammasuunngillat. Ataatsimiinnernit imaqarniliortoqarsimappat allattuisoqarsimappalluunniit, taakkua isertuussassaapput.” <i>Imm. 2</i> taamaasilluni <i>imm. 4</i>-nngussaaq.</p>
<p><b>§ 26j.</b> § 26 k malillugu oqaaseqaammik tunniussisoqarnissaa pitinnagu sapinngisamik biskoppip imaluunniit provstip biskoppip piginnaatitaata aamma ilagiit sinniisaanni ilaasortat qinikkat akornanni qinnuteqaatinik ilisimatitsiffiusumik ataatsimiittoqassaaq. Ataatsimiinnissaq qinnuteqarfissamut piffissaliussap kinguninnguatiqut biskoppimit aalajangerneqassaaq biskoppimillu provstimilluunniit biskoppimit piginnaatinneqartumit aqunneqassalluni. Ilagiit sinniisaannit ataatsimit arlalinnilluunniit qinnuiginnittoqareerneratigut imaluunniit tamanna biskoppimit kissaatigineqarpat biskoppip ilagiillu sinniisaasa akornanni ilisimatitsiffiusumik allamik ataatsimiittoqassaaq. <i>Imm. 2.</i> Ilisimatitsiffiusumik ataatsimiinnermut imm. 1-imi taaneqartumut</p>	<p><b>7. § 26 j</b>-imi imm. 1-ip kingorna immikkoortutut nutaatut ikkunneqassaaq: ” <i>Imm. 2.</i> Ilisimatitseqatigiiffiusumik ataatsimiinnerit tamanut ammasuunngillat. Ataatsimiinnernit imaqarniliortoqarsimappat allattuisoqarsimappalluunniit, taakkua isertuussassaapput.” <i>Imm. 2</i> taamaasilluni <i>imm. 3</i> -nngussaaq.</p>

<p>piffissaliussanut periusissanullu malittarisassanik Naalakkersuisut aalajangersaasinnaapput.</p>	
<p><b>§ 26k.</b> Provsteqarfimmi ilagiit sinniisaat qinikkat provsteqarfimmi provstitut imaluunniit domprovstitut atorfinnut inuttaqanngitsunut atorfinitsitsinissaq pillugu oqaaseqaateqassapput. Sapinngisamik biskoppip ilisimatitsiffiusumik ataatsimiititsinerata kinguniingua ilisimatitsiffiusumik ataatsimiittoqassaaq.</p> <p><i>Imm. 2.</i> Biskoppi sapinngisamik qinnuteqartunik pingasunik pingaarnersiorlugit tullerriaarneqartunik inassuteqassaaq. Biskoppip qinnuteqaatit ilagiit sinniisaasa oqaaseqaataannik ilallugit namminerlu inassuteqaanni ilanngullugu Naalakkersuisunut nassutissava.</p>	<p><b>8. § 26 k</b>-mi ikkunneqassapput <i>imm. 1</i>-ip kingorna nutaatut immikkoortutut:  ” <i>Imm. 2.</i> Qinnuteqartup qinnuteqaatini utertippagu, ilagiit sinniisaasa oqaaseqaateqareerneranni aammalu biskoppi suli Naalakkersuisunut inassuteqaateqanngitsoq <i>imm. 4</i> naapertorlugu, nutaamik oqaaseqaateqarnissamut ataatsimiinnermik ingerlatsisoqassaaq. Qinnuteqartoq qinnuteqaammik utertitsisoq oqaaseqaateqarnissamut ataatsimiinnermi siullermi taaneqarsimangippat nutaamik oqaaseqaateqarniarluni ataatsimiinnermik ingerlatsisoqassanngilaq.</p> <p><i>Imm. 3.</i> Oqaaseqaateqarniarluni ataatsimiinnerit tamanut ammasuunngillat. Ataatsimiinnernit imaqarniliortoqarsimappat allattuisoqarsimappalluunniit, taakkua isertuussassaapput.”</p> <p><i>Imm. 2</i> taamaasilluni <i>imm. 4</i>-nngusaaq.</p>
<p><b>§ 26q.</b> Oqartussat aningaasartuutaannut matussusiinissamut atorneqartussanut akiliutigineqartut akilersinnissaannut akiliutillu annertussusissaannut malittarisassat sukumiinerusut aalajangersarnissaannut Naalakkersuisut piginnaatinneqarput, tak. §§ 26n – 26p.</p>	<p><b>9. § 26 q</b> imatut oqaasertalerneqassaaq:  ” <b>§ 26 q.</b> Ilagiit sinniisaat oqaluffimmut pulaarnernut naalagiat avataanniittunut akiliuteqartitsisarsinnaapput. Akiliutit sumiiffimmi tassani ilagiinnik sullissinnermut atorneqartassapput.”</p>
	<p><b>10. § 26 q-p</b> kingorna kapitali 8-mi ikkunneqassaaq:  ” <b>§ 26 r.</b> Naalakkersuisut piginnaatinneqarput Biskoppi isumaqatiginiareerlugu malittarisassanik aalajangersaasarnissamut akitsuutit angissusissaannut aamma akiligassiisarnermut atatillugu, pisortat aningaasartuutaannik, tak. §§ 26 n. – 26 q.”</p>
	<p style="text-align: center;"><b>§ 2</b></p> <p>Inatsisartut inatsisaat atortuulerpoq 1. januar 2019.</p> <p><i>Imm. 2.</i> Ilutigisaanik atorunnaarput Namminersornerullutik Oqartussat nalunaarutaat nr. 15, 26. april 1985-imeersoq Kalaallit Nunaanni ajoqissat ilinniartitaanissaannut tunngasoq aamma</p>



	Kalaallit Nunaanni organistit ilinniartitaasalernissaannik Namminersornerullutik Oqartussat nalunaarutaat nr. 26, 1. december 1987- imeersoq.
--	---

### **3. Aningaasaqarnikkut allaffissornikkullu kingunerisassai pisortanut**

#### **3.1 Pisortanut aningaasaqarnikkut kingunerisassai**

Siunnersuut nammineq pisortanut aningaasatigut kinguneqartussaangilaq.

Oqaluffiit nalinginnaasumik ammasarfiisa saniatigut ammatitsisarnissamut periarfissaq akitsuummik akiliisitsilluni ilagiinnut isertitassanik kinguneqassaaq.

Naatsorsuutigineqanngilaq siunnersuutip aningaasaliissutini allannguuteqartitsinissamik kinguneqarnissaa.

Aalajangersakkanik pilersitsisoqarpoq Naalakkersuisut biskoppi isumaqatiginiareerlugu malittarisassiorsinnaasut akiliutissap annertussusissaanik aamma akilersinneqartarnissaanik, taamaattumillu naatsorsuutigineqanngilaq ilagiinnut ilassutinik aningaasartuuteqartoqartarnissaa akiliutissamik naatsorsuisarnernut.

#### **3.2 Pisortanit allaffissornikkut kingunerisassai**

Naatsorsuutaanngilaq siunnersuut pisortanut allaffissornikkut kinguneqassasoq.

### **4. Aningaasaqarnikkut allaffissornikkullu inuussutissarsiortunut kingunerisassai**

Naatsorsuutigineqanngilaq siunnersuut aningaasaqarnikkut imaluunniit allaffissornikkut inuussutissarsiortunut kinguneqassasoq.

### **5. Avatangiisunut, pinngortitamut aamma innuttaasut peqqissusaannut kingunerisassai**

Naatsorsuutigineqanngilaq siunnersuut avatangiisinut, pinngortitamut innuttaasullu peqqissusiannut kinguneqassasoq.

### **6. Innuttaasunut kingunerisassai**

Inunnut oqaluffiup suliaqarluni ammanerata avataatigut pulaarniartunut aningaasatigut kinguneqarsinnaavoq. Akitsuulli pingaarnertut akiligassiissutigineqartassasoq isumaliutaasimavoq oqaluffik immikkut takornariartuut ammartariaqaraangat. Taamaattumillu naatsorsuutaanngilaq sumiiffimmi najugalinnut innuttaasunut sunniuteqartussatut.

Akitsuutip akiliutaasussap annertussusissaa Naalakkersuisunit aalajangerneqassaaq. Naatsorsuutigineqanngilaq pulaartumut ataatsimut 100 kr.-nit arlaqanngitsut sinnerlugit akiliuteqartitsisoqartarnissaa, pulaartut amerlassusii apeqqutaallutik, pulaarnerup sivissusua, sulisunik qanoq sulisitsisariaqarneq, kiisalu innaallagissamut aamma kiassaanermut ilassutaasutut aningaasartuutit annertussusii apeqqutaallutik.

## **7. Allatigut pingaaruteqartunik kingunerisassai**

Naatsorsuutigineqanngilaq siunnersuut allatigut pingaaruteqartunik kinguneqartussatut.

## **8. Pisortanik aamma kattuffinnik il.il. tusarniaaneq**

Siunnersuut 2. november-imiit 8. december 2017-imut tamanut takuneqarsinnaasumik inissimasimavoq tusarniaasarnermi quppersakkami, aamma tusarniaassutigalugu nassiunneqarsimavoq tusarniaavigineqartartunut ukununga:

Naalakkersuisut Siulittaasuata Naalakkersuisoqarfia

Peqqissutsimut Naalakkersuisoqarfik

Kommuninut, Nunaqarfinnut, Isorliunerusunut, Attaveqatigiinnermut Ineqarnermullu Naalakkersuisoqarfik

Aningaasaqarnermut Akileraartarnermullu Naalakkersuisoqarfik

Aatsitassanut Ikummatissanullu Naalakkersuisoqarfik

Aalisarnermut Piniarnermullu Naalakkersuisoqarfik

Inuussutissarsiornermut, Suliffeqarnermut, Niuernermit Nukissiuuteqarnermullu Naalakkersuisoqarfik

Namminersornermut, Nunanut Allanut Nunalerinerullu Naalakkersuisoqarfik

Isumaginninnermut, Ilaqutariinnermut, Naligiissitaanermit Inatsisinillu Atortitsinermit Naalakkersuisoqarfik

Pinngortitamut Avatangiisinullu Naalakkersuisoqarfik

Ilinniartitaanermit, Kultureqarnermut, Ilisimatusarnermit Ilageeqarnermullu Naalakkersuisoqarfik

Biskoppi

Danmarkimi kalaallit palasiat (Jens-Kristian Kleist)

Palaseqarfik Ammassalik

Palaseqarfik Qaanaaq

Palaseqarfik Upernavik

Palaseqarfik Uummannaq

Palaseqarfik Qeqertarsuaq

Palaseqarfik Ilulissat

Palaseqarfik Qasigiannugit

Palaseqarfik Aasiaat

Palaseqarfik Sisimiut

Palaseqarfik Maniitsoq

Palaseqarfik Nuuk

Palaseqarfik Paamiut

Palaseqarfik Narsaq

Palaseqarfik Qaqortoq

Palaseqarfik Nanortalik

Provstit

Provsteqarfik Kujataa

Provsteqarfik Qeqqa  
Provsteqarfik Avannaa  
Ilagiit sinniisaat tamaasa  
Palasit peqatigiiffiat (Paneeraq S. Munk)  
Kirkeministeriet  
Biskoppit Peqatigiiffiat  
Danskít Palasiisa Peqatigiiffiat / Den Danske Præsteforening  
Danmark-imi palasit ikiortaasa peqatigiiffiat / Danmarks kordegneforening  
Aahus Universitet – Teologisk Fakultet  
Københavns Universitet – Teologisk Fakultet  
Pisortat / Lederne  
Atorfillit Kattuffiat (ASG)  
KANUKOKA  
Atorfillit Kattuffiat  
Sulisitsisut (GE)  
IMAK  
SIK  
Iisimatusarfik  
Kommuneqarfik Sermersooq  
Qeqqata Kommunua  
Kommune Kujalleq  
Qaasuitsup Kommunua

Tusarniaanermi akissutininik tigusaqartoqarpoq uani tulliuuttuniit, oqaaseqaatissaqanngitsunik:

Pinnortitamut Avatangiisinullu Naalakkersuisoqarfik, Aalisarnermut Piniarnermullu Naalakkersuisoqarfik, Iisimatusarfik, Aningaasaqarnermut Akileraartarnermullu Naalakkersuisoqarfik, Aatsitassanut Ikummatissanullu Naalakkersuisoqarfik, Inuussutissarsiornermut, Suliffeqarnermut, Niuernermut Nukissiuuteqarnermullu Naalakkersuisoqarfik, Isumaginninnermut, Ilaqutariinnermut, Naligiissitaanermut Inatsisinillu Atortitsinermut Naalakkersuisoqarfik, Kommuninut, Nunaqarfinnut, Isorliunerusunut Ineqarnermullu Naalakkersuisoqarfik, IMAK, Sulisitsisut, SIK, KANUKOKA, Qeqqata Kommunua aamma Nanortalimmi Ilagiit Sinniisaat.

Tusarniaavigineqartuni tulliuuttut siunnersuummut oqaaseqaateqarput:

Palasit Peqatigiiffiat, Provsti Paneeraq Siegstad Munk, Palaseqarfik Qasigiannugit, palasi Henriette Didriksen aamma ilagiit sinniisaat, Palaseqarfik Nuuk, Maanguak Dalager aamma Aviaja Rohmann, ASG aamma biskoppeqarfik.

Tusarniaavigineqartut arlaqartut oqaaseqaateqarsimapput siunnersuummi §§ 26 q aamma 26 r-imut, tassanilu ersilluni ilagiit sinniisaat akitsuummik akiligassiisinnaasut oqaluffinnut

pulaarnernut naalagiat avataanni, aammalu Naalakkersuisut malittarisassiorsinnaallutik akiliutissap akilerneqartussap annertussusissaa tamatumalu akiligassiisutigineqartarnissaa pillugit. Tusarniaavigineqartut arlaqartut isumaqanngillat oqaluffinnut pulaarnernut akiliummik akiliisitsisoqartassanngitsoq. Tamatumani ilaatigut tunngavilersuutaalluni oqaluffiit kikkunnut tamanut ammasuusariaqartut. Tamatumunnga oqaaseqaataasut pissutissaqartitsisimannngillat aalajangersakkanik allannguinnessamut, kisiannilu oqaaseqaatini erseqqissarneqarpoq aalajangersakkap sumut atorneqarnissaa siunnerfiusimanersoq, aammalu ilagiit sinniisaasa oqartussaaffigissagaat qaqugukkut akitsuummik akiluteqartitsisoqartassanersoq.

Biskoppeqarfiup siunnersuummut oqaatigaa akitsuummik akiluteqartitsisarnermik aaqqissuussineq piumanerullugu, akiliummik akiligassiisarnermiit. Tamatuma pissusaaffiutissanngimmagu aningaasartuutitut tunngatillugu ilagiit sinniisaasa naatsorsuorsiortarnissaat, kisiannili siunnersuummi periarfissaasumik pisariinnerusumik atortitsisoqarsinnaassalluni. Tamatumunngalu atatillugu oqaatigineqassaaq Inatsimmi tunngaviusumi - Grundlov - § 43-mi ersarissumik piunasaqaataasoq inatsisunik tunngavissaqartoqassasoq akileraarutunik akiluteqartitsisarnermut. ”Akileraarutit” pisortanut akiliutissaapput pissusaaffiusut, isigineqarsinnaanngitsullu akissarsiatut assigisaanut imaluunniit tigussaasumut pisortanit iliuseqarnermut. Akitsuutit tamatumunnga atatillugu toqqaannanngitsumik akileraarutitut isigineqartarput, taamalu aamma § 43-mi ilaallutik. Inatsisartut inatsisaanni ersissaaq akileraartussaataitaaneq kimit pissusaaffiunersoq, aamma qanoq aningaasartaqarluni imaluunniit naatsorsueriaaseq qanoq ittoq tunngavigalugu akiliutissaaq naatsorsorneqartussaanersoq. § 43-imi tunngaviusooq akiluteqarnissamut imaqanngilaq akitsuummik imaluunniit akiliummik allamik akiluteqarnissamik aningaasanut pineqartunut taartitut pisortaniit. Akiliummut taartaasoq matussusigassaaq tigussaasoq tassaavoq uani innaallagaaq, imeq, kiassaaneq, allaffissornermut aningaasartuutit, immaqa aamma akissarsianut aningaasartuutit il.il. Tulluarnerusutut pisortaniit nalilernerqarsimavoq aaqqissuussineq, akiliutaasup akilerneqartussap kingunerissagaa illuani pisortanit iliusaasoq, akiliisitsinikkut. Akitsuummik akiluteqartarnermik aaqqissuussineq aquneqartussaaq naatsorsuutigineqarpoq killeqartumik annertussuseqassasoq. Kiisalu aamma oqaatigineqassaaq akitsuummik aaqqissuussinerup periarfissaqartikkaa isertitat pisortanut akiluteqartitsisumut tutsinneqarsinnaanerat, tamatumani ilagiit sinniisaat, isertitanik ilagiinnik sullissinerminni atuisinnaasut. Akitsuulli paarlattuanik nunatta karsianut akilerneqartussaa voq.

Ilanngullugulu aamma oqaatigineqassaaq pineqarmat aalajangersagaq “sinnaavumik” imaqartoq, taamalu ilagiit sinniisaannut periarfissaqartitsilluni akiluteqartitsisarinnanermut. Taamaasilluni ilagiit sinniisaat ataasiakkaat aalajangiisinnapput akiluteqartitsisassanerlutik. Illoqarfinni aamma nunaqarfinni qaqutigunnaq takornariartunit tikiqqartartuni isumaqangaarnaviannngilaq, illoqarfinnut akuttunngitsunik umiarsuarmit takornariartorpassuarfik ilaasulinnut sanilliullugu. Tamatumunngalu ilaliunneqassaaq oqaaseqaatini assersuut atuartut klasseqatigiit oqaluffimmut pulaarneranni akiluteqartitsisinnanermik assersuut oqaaseqaatinit peerneqarmat, aalajangersagaq pingaarnertut takornariartunut sammititaammat. Aammalu siunnerfiusimannngilaq

aalajangersakkap sumiiffimmi innuttaasunut najugalinnut oqaluffimmullu attaveqartuusunut sammitinneqassasoq, assersuutigalugu erinarsoqatigiit sungiusartarnerinut assigisaannilu.

Siunnersuummi § 26 r -imi ersippoq Naalakkersuisut piginnaatinneqartut akiliutissap angissusissaa akilersinneqartarnissaalu pillugit malittarisassiorsinnaanermut. Biskoppeqarfimmiit tusarniaanermi siunnersuutigineqarsimavoq aalajangersakkamut ilanngunneqassasoq aalajangersaasarneq pisassasoq biskoppi isumaqatiginiareerlugu. Taannalu aalajangersakkanut ilanngunneqarpoq.

Inatsisartut Allattoqarfianni inatsisinik nalilersuisarfiup siunnersuummi samminninneranut atatillugu inassutigineqarpoq siunnersuut aammaarluni tusarniaassutigineqassasoq takornariartitsisarnermik inuussutissarsiutini susassaqtunut naleqquttunut. Siunnersuullu tamatuma kingorna Inuussutissarsiordermut Suliffeqarnermullu Naalakkersuisoqarfimmut nassiuinneqarpoq takornariartitsisarnermik suliqaqtunut naleqquttunut siunnersuut tusarniaassutigineqaqqullugu, tassani siunnersuummi akitsuummik akiliuteqartitsisalerniarneq eqqarsaatigalugu. Taamaattumillu ilassutitut tusarniaanermiit oqaaseqaatinik Inuussutissarsiordermut Suliffeqarnermullu Naalakkersuisoqarfimmiit aamma Visit Greenland-imiit tigusaqartoqarpoq. Tusarniaanermi akissutaasut ersipput immikkoortuni 8 aamma 9-mi skemami uani ataani.

Nr.	Tusarniaavigine-qartoq	Oqaaseqaatigineqartut	Oqaaseqaatit isummersorfigineqarneri
1	Palasit peqatigiiffiat	Siunnersuutit §§-ini 25 aamma 26-imi aaqqissuussivoq ajoqissanik aamma pattattussanik ilinniartitsisarnermik nalunaarummik atorunnaarsitsilluni, siunnersuutigalugulu ilinniaqaqtarnermik aaqqissuussineq Naalakkersuisuniit Biskoppimut nuunneqassasoq. Ilinniakkamik aaqqissuussisarnermik qularnaarinerit ilinniakkamik ilikkagassatut anguniakkanut tunngatillugu Palasit Peqatigiiffiata siunnersuutigissavaa immikkut ilisimasalinnik/ilinniakkanut ataatsimiititalianik peqataatitsisoqassasoq, ilinniaqaasussanut ilikkagassanullu samminerusunik katitigaasunik, biskoppimut ikiortaasussanik ilinniakkanik aaqqissuussarnerni malinnaatitsisarnermi.	Oqaaseqaat taanna pissutissaqartitsisimavoq aalajangersakkat allanngortinnissaannut. Siunnersuutigineqarpoq ilinniakkamik aaqqissuussisarneq Naalakkersuisunit akuerineqartassasoq, ilisimatitsissutigineqaannarani siunnersuutaqaqtartut.  Ilanngullugulu aamma oqaatigineqassaaq biskoppeqarfiup maanna immikkut ilisimasallit ilinniakkamik aaqqissuussisarnermini akuleruttarmagit.
2	Provst Paneeraq	Siunnersuummi imm. 9 aamma 10-	Oqaaseqaatit

	Siegstad Munk,	mut tunngatillugu: Isumaqarpoq ippinnartoq akiliuteqartitsisarneq. Oqaluffiup ingerlanneqarneranut aningaasartuutit aningaasanut inatsit aqputigalugu akilerneqartarallartillugit pissusissamisuunngilaq akiliuteqartitsisarnissaq.	allannguinissamut pissutissaqartitsisimanngillat.  Takukkit ataatsimut oqaaseqaatit matuma skemap siulianiittut.  Kiisalu aamma oqaatigineqassaaq oqaluffiup nalinginnaasumik aningaasartuutai matumani pineqanngimata. Tassami pineqarput oqaluffiup ingerlalanut allanut ilaginnik sullissinerunngitsunut atorneqartarnera.
3	Palaseqarfik Qasigianniguit, Palasi Henriette Didriksen aamma ilagiit sinniisaat	Siunnersuutip § 26q-mut: Aalajangersagaq isumaqatigilluinnarparput, kisianni nassuiaatini allassimavoq akiliutissaq Naalakkersuisut aalajangertassagaat. Aningaasat sumullu atorneqarnissaat Naalakkersuisut oqartussaaffigissa vaat, isumaqanngilagut tamanna aaqqissuussilluarnerusoq. Illoqarfinni amerlanerni ukiup ilaa takornariartitsivi usartoq qaammatinik ikittuinnarnik sivilissuseqartarpoq. Akiliut innaallagissamut, imermut allanullu akiligassanut atorneqassappat, akilersinnaassanngilaq, qaammatini amerlanerni illoqarfinni amerlanerni takornariaqartanngimmat. Taarsiullugulu siunnersuutigerusupparput palasip ilagiillu sinniisaasa peqatigiillutik aalajangertassagaat angissusissaq aningaasallu sumut atorneqarnissaat. Assersuutigalugu tassaasinnaavoq pedel-imut imaluunniit illoqarfimmi ilaginnut, unnukkut oqaluffimmi aaqqissuussisoqassappat, kaffinik, kaaginik assigisaannillu pisinernut. Isertitat tamatigut allatorneqartassapput	Oqaaseqaatit allannguinissamut pissutissaqartitsisimanngillat.  Ataatsimut oqaaseqaatit skemap qulaaniittut takukkit.  Kiisalu aamma oqaatigineqassaaq eqqortuunngimmat aningaasat innaalla gissamut imermullu atorneqartarnissaat. Aalajangersakkamimi ersarissumik allassimavoq, aningaasat ilagiit sullinneqarnerannut atorneqartassasut.

		provsteqarfimmullu tamatigut nalunaarutigineqarlutik.	
4.1	Nuummi Palasi, Mānguak` Dalager	§ 20, imm. 1 pillugu: Palasip atuagarsuarnik allattuisuusup isumaqatiginngippagu ilagiit sinniisaasa allannguutissatut siunnersuutaat, taava qanoq qularnaarneqarsinnaava ilagiit tusarneqarnissaat? Isumaqarpunga tassani amigaateqartoq.	Oqaaseqaatit allannguinissamut pissutissaqartitsisimanngillat.  Nakkutilliinermi akisussaaffiit agguanneqarneranni allannguisoqanngilaq. Nakkutillineq § 20 naapertorlugu sulii palasimit atuagarsuarnik allattuisuusumit suliarineqartussaa voq ilagiit sinniisaat suleqatigalugit.
4.2		§ 20. imm. 3 pillugu: Tassani sunaana tigussaasumik pineqartoq?	Oqaaseqaatit allannguinissamut pissutissaqartitsisimanngillat.  Aalajangersakkap Naalakkersuisut periarfissaqartippai malittarisassiornissamut nakkutillineq pillugu, taakku aalajangersakkami imm. 1-imiit peerneqassasut siunnersuutaammata, tamatumalu kingunerisaanik Naalakkersuisut malittarisassiornissamut pisussaallutik.
4.3		§ 26r aamma 26q pillugit: Tamanna isumaqatiginngilluinnarpara. Oqaluffik tamanut ammasuummat, pulaaraanni lu pulaagaqartoqartarmat (oqaluffik), taamaattumik isumaqanngilanga pulaartut akiliuteqartassasut pulaarnerminnut, ilagiillu taamaasillutik isertitaqarlutik. Tamanna nalinginnaasutut isiginngilara. Taamaattumik neriutigaara § 26q peerneqassasoq.	Oqaaseqaatit allannguinissamut pissutissaqartitsisimanngillat.  Takukkit skemap qulaani oqaaseqaatit.
5.1	ASG	§§ 25 aamma 26 pillugit: Siunnersuutigineqarpoq ajoqinik aamma pattattunik ilinniartitaanerit pillugit nalunaarut atorunnaarsinneqassasoq,	Oqaaseqaatit allannguinissamut pissutissaqartitsisimanngillat.  Takukkit tusarniaanermi

		<p>siunnersuutigineqarlunilu piginnaatitaaneq Naalakkersuisunit Biskoppimut nuunneqassasoq. Ilinnia gaqartarnernut aamma ilikkagassanut tunngasunik anguniakkanut atatillugu siunnersuutigissavarput immikkut ilisimasalinnik ataatsimiititalianik / ilinniakkamut ataatsimiititaliamik pilersitsisoqassasoq, ilikkagassanut ilinniakkamullu samminerusumik inuttalersugaasumik. Biskoppip ilinniakkamik aqqissuussinermik malinnaatitsinerani ikiortaasussamik.</p>	<p>oqaaseqaammut nr. 1-imut oqaaseqaatit.</p>
5.2		<p>Siunnersuut nutaamik § 26q-mik ikkussivoq, taamalu ilagiit sinniisaat akiliuteqartitsisalersinnaallutik, oqaluffimmut pulaarnermut oqaluffiup ingerlatsivigisaata avataani piffissani pulaarnernut. Akiliutip angissusissaaali Naalakkersuisunit § 26r naapertorlugu aalajangerneqartassaaq. Uagut isumaqarpugut tamanna aqqissuussilluarnerunngitsoq. Illoqarfinni amerlanerni piffissaq takornariartitsivi usartoq qaammatalunnguaannarnik sivisussuseqartarpoq. Akiliut aningaasartuutinut innaallagissamut, imermut allanullu atorneqartassappat akilersinnaassanngilaq oqaluffik ammatittassallugu naalagiat avataasigut, takornariartitsisarneq illoqarfinni amerlaneraani qaammatalunnguaannarnik sivisussuseqartarmat. Taarsiullugu siunnersuutigissavarput palaseqarfik palasi aamma ilagiit sinniisaat peqatigalugit aalajangiisassasut aningaasat sumut atorneqarnissaannik. Assersuutigalugu tassaasinnaavoq pedel-imut imaluunniit illoqarfinni ilagiinnut, unnukkut oqaluffimmi</p>	<p>Oqaaseqaatit allannguinissamut pissutissaqartitsisimanngillat.</p> <p>Takukkit oqaaseqaatit skemap qulaaniittut.</p> <p>Aamma takuuk tusarniaanermut akissummut nr. 3-mut oqaaseqaatit.</p>



		<p>aaqqissuussisoqassappat, kaffinik, kaaginik assigisaannillu pisinernut. Isertitat tamatigut allatorneqartassapput provsteqarfimmullu tamatigut nalunaarutigineqarlutik.</p>	
6.1	Biskoppeqarfik	<p>Biskoppeqarfiup siunnersuutigaa akiliut taarserneqassasoq akitsuummik, ilagiit sinniisaasa aningaasartuuminnik naatsorsuus iunnginnis saat anguneqarsinnaaqqullugu. Allanguinerup taamaasilluni siunnersuut malunnaatiliimmik pisariinnerulersissavaa.</p> <p>Tamatuma saniatigut biskoppeqarfiup siunnersuummut oqaaseqaatit iluaqusiisumik allangortinneqarsinnaatippai. Maanna allassimane ratut aalajangersakkap nutaap pissutsit, “ .... taakkua (ilagiit sinniisaasa) aggersarneqartarnissaat kingunerissavaa, oqaluffiup nalinginnaasumik atorneqartarfiisa avataasigut, oqaluffik takornariartortunut takutikkumallugu, kisianni isumaliutigineqarsinnaavoq pisuni allani atorneqartarsinnaanera, assersuutigalugu atuartut klassit oqaluffimmut pulaarnissaannut, tusarnaartitsinernut assigisaannulluunniit.”</p> <p>Ilagiimmi sinniisaat aallaavittut pisussaaffilerlugit aggersarneqarsinnaanngillat, aalajangersagarlu aallaavittut immaqa assilissamik equngasumik pilersitsivoq, palasip/ajoqip aamma ilagiit sinniisaasa akornanni, soorluli atuartut klassit pillugit assersuut tulluartaunngitsaq assersuutip ajunngitsumik atuarnissaanut. Biskoppeqarfiullu siunnersuutigaa aalajangersagaq taarsiullugu imatut oqaasertalerneqassasoq:</p>	<p>Oqaaseqaatit allanguinissamut pissutissaqartitsisimanngillat. Naliliisoqarpoq tulluartaussanngitsaq akitsuummik pilersitsinissaq akiluteqartitsinermut sanilliullugu. Tamatumunnga atatillugu matuma skemap siorna tungaani tamanna pillugu oqaaseqaatit innersuunneqassapput.</p> <p>Oqaaseqaat pissutissaqartitsisimavoq siunnersuummut oqaaseqaatini allanguinissamut, atuartut klassit allassimajunnaarmata, aammalu allassimajunnaarluni ilagiit sinniisaat <i>aggersarneqartassasut.</i></p>

		<p><i>Aalajangersagaq nutaajuvoq ilagiillu sinniisaannik periarfissiilluni annertussusileriikkamik akitsuummik akiliuteqartitsisarnissanut, oqaluffimmut pulaarnernut oqaluffiup nalinginnaasumik ammaffiisa avataasigut. Aalajangersakkat pilersinneqarpoq ilagiit sinniisaasa aningaasanik atugassaqsinnaaner ataqutissiuukkumallugu, taamaattorli oqaatigineqassaaq aningaasat isertinneqartut ilagiinnik sullissinermut atorneqartassasut. Akitsuut eqqarsaataavoq akilersinneqartassasoq oqaluffimmut pulaarnernut ingammik takornariartut pulaarnerinut, kisianni aamma pulaarnernut allanut, tusarnaartitsinerni assigisaannilu.</i></p> <p>Tamatuma saniatigut biskoppeqarfiup kissaatigaa eqqissaatigissallugu periarfissaannaamm atorneqarsinnaasoq, pinngitsoorani pisussaaffiunngitsoq, - ilagiit sinniisaannut aningaasaqalaarnissamut, nalinginnaasumik ilagiinnik sullissinermut.</p>	
6.2		<p>Naalakkersuisut ersarinnerusunik akiliuteqartitsisarninermut tunngatillugu maleruagassiorsinnaanerannut piginnaatitsisut pillugu tak. imm. 9. Biskoppeqarfiup siunnersuutigaa aalajangersakkamut tassunga ilanngunneqassasut oqaaseqatigiit: ”biskoppimit inassuteqarneq tunnga vialugu”, Naalakkersuisut aamma biskoppip akornanni pissutsinik nalinginnaasumik naleqqussaaviginerinut atatillugu, soorluli ilageeqarnermut inatsimmi § 3, § 4, § 24, imm. 2, § 26b, § 26c aamma § 26m naapertorlugit.</p>	<p>Oqaaseqaatit allamguinissamut pissutissaqartitsisimanngillat.</p> <p>Aalajangersagaq allamgortinneqassaaq imaalillugu; aalajangersakkamut ilanngunneqassalluni tamanna pissasoq biskoppi isumaqatiginiareerlugu.</p>

6.3		<p>Biskoppeqarfiup assut tulluartinngilaa Naalakkersuisoqarfiup inatsimmi § 8-mut allannguutissatut siunnersuut utertissimamma, nunatsinni provstit peqatigiiffiannut tunngatillugu. Tamatumunnga atatillugu Biskoppeqarfiup tikkuassavaa ingammik malttarisassanik pisariillaaniarneq ilagiinniit kissaataamat angisooq, siunissami inuiaqatigiinni nunassittarnerit aningaasaqarnikkullu pissusiulerumaartut eqqarsaatigalugit kissaataamat.</p>	<p>Oqaaseqaatit allannguinnissamut pissutissaqartitsisimanngillat.</p> <p>Naalakkersuisut ersarinnerusunik nalilersueerermikkut pissutissaqartissimanngilaat piffissami matumani pisariaqartunik tunnga vissaqartoq malttarisassanik pineqartunik allannguinnissamut.</p>
7.1	<p>Nuummi Palasi, Aviaja Rohmann Hansen</p>	<p>§ 20, imm. 1-imut: Palasi oqaluffimmi atuagarsuarnut allattuisartuusoq kisimi nakkutilliisuusariaqanngilaq, tamanna naammanngilaq, nakkutilliinermi malitseqartitsisarneq atorneqartanngimmat, suliaq kisermaatissallugu angivallaaqimmat, illuutit amerlasuujutillugit.</p>	<p>Oqaaseqaatit allannguinnissamut pissutissaqartitsisimanngillat.</p> <p>Palasi oqaluffimmi atuagarsuarnik allattuiviusunik nakkutilliisoq kisimiitnanngilaq nakkutilliisutut. Ilagiit sinniisaat suleqatigineqartarput. Siunnersuutikkut akisussaaffit allannguuteqanngillat.</p>
7.2		<p>§§ 26q aamma 26r-imut: Taamatut aaqquissuussineq akuerineqarsinnaanngilaq, kikkut tamarmik oqaluffimmut tikilluaqquusaasariaqarput, oqaluffimmiinnerminnullu akiliisussaannngillat. Oqaluiffipput kikkunnut tamanut ammasuusariaqarpoq. Erinarsogatigiit nalliuttuni erinarsortarnerminnut akilerneqartanngillat, taamaattumillu oqaluffigut aamma akeqanngitsumik atorsinnaasariaqarfaat.</p> <p>Akiliisitsisarnermik aaqquissuussigutta ilimanarluinnarpoq suli ilagiit</p>	<p>Oqaaseqaatit allannguinnissamut pissutissaqartitsisimanngillat.</p> <p>Ilagiit sinniisaasa aalajangertassa vaat qaqugukkut akiliuteqartoqartassanersoq. Aalajangersakkap siunertarinngilaa najukkami innuttaasut akiliuteqartittalernissaat oqaluffimmik atuisarnernut.</p>

		oqaluffimmi imminnut ungasinnerulissasut. Tamanna akueriuminaappoq.	
8	Inuussutissarsiornermut Suliffeqarnermut, Niuernermut Nukissiuuteqarnermullu Naalackersuisoqarfik	Naalackersuisut anguniagaraat takornariartitsinerup siunissami inuussutissarsiutaalernissaa pingaaruteqartoq. Takornarianik aggersaasinnaajumalluta, aammalu takornariartitsinermik inuussutissarsiummik ineriartortitsisinnaajumalluta aalajangiisuvoq takornarianut killiliussanik pilersitsisinnaanerput sammisassanik soqutiginartunik, nunatsinnilu kulturitsinnik paasinninnissamut periarfissiisunik. Tamatumunngalu atatillugu oqaluffiit aamma pingaaruteqarput. Oqaluffiit takornariartunut soqutiginartuupput sananeqarnermikkut, aammalu sumiiffittut kalaallit kulturiannik paasinniffissatut.  Taamaattumik inassutigineqassaaq akitsuummik akiluteqartitsisoqartalissappat tikeraanut, taava aaqqissuussineq takornariartitsinermut pitsaanngitsumik kinguneqarsinnaanngitsumik aaqqissuunneqartariaqarpoq.	Oqaaseqaat allannguinnissamut pissutissaqartitsisimanngilaq.  Akitsuut naatsorsuutigineqarpoq takornariakkaartumik ima annikitsigissasoq, takornariamut sunniuteqartussaassanani.  Kiisalu naatsorsuutigineqarpoq ilagiit sinniisaasa akitsuummik akiluteqartitsisalernissamut periarfissaqalernissaat kajuminnerulersitsissasoq tikeraanik pulaartitsisarnerit aaqqissuussaanerulersinneqar-nissaamut, taamalu tamanna takornarianut iluaqutaasinnaalluni. Tamatumunngalu atatillugu oqaatigineqassaaq maanna inatsisit atuuttut naapertorlugit pisussaaffiunngimmat oqaluffiit ammatinneqartarnissaat nalinginnaasumik ammasarfiisa avataasigut.
9	Visit Greenland	Visit Greenlandip paasisinnaavaa ilagiit naalagiarnerisa avataasigut oqaluffimmut pulaarnermut akiluteqartitsisoqartalernissaa kissaatigineqarmat. Taamaattoq siunnersuutigiumavarput Inatsisissatut siunnersuut akuersissutigineqassappat aaqqissuussineq siusinnerpaamik 2019-imi atortuulersinneqassasoq, taamaasillunilu takornariartitsisartut oqaluffinnik atuisartut paasissutissinneqarsinnaaqullugit piffissaqarlualuni.  Ukioq takornariartitsiviususaaq	Oqaaseqaat allannguinnissamut pissutissaqartitsisimanngilaq.  Akitsuusisarnissamut aalajangersagaq aalajangersakkatut "sinnaavutut" suliaavoq, tamannalu isumaqarluni ilagiit sinniisaasa pisussaaffiunngikkaat pingitsoorani akiluteqartitsisarnissaaq. Naalackersuisut piginnaatitaanerat malittarisassiorsinnaaner-mut aamma taamatulli "sinnaavutut"

	<p>2018 qangarsuarli pilersaarusiorneqareerpoq, taamaattumillu inatsit atortuulersinneqassappat sumiiffinni takornariartitsisartunut nunarsuarmiunullu takornariartitsisartunut annertuunik unammilligassaqalersitsisoqassaaq.</p> <p>Allannguutissaq atortuulersinneqassappat kissaatiginassaaq imatut aaqqissuunneqassasoq, aaqqissuussineq inuussutissarsiummut akornusersuisussaajunnaarlugu, oqaluffiit takornariartitsinermik inuussutissarsiummi pingaaruteqarmata.</p>	<p>aalajangersagaa voq. Naalakkersuisut taamaattumik pisussaaffeqanngillat malittarisassiornissaminnut. Taamaattoq Naalakkersuisut pilersaarutigaaq nalunaarummik suliaqarniarlutik. Nalunaarullu naatsorsuutigineqarpoq siusinnerpaamik januar 2019-imi atortuulerumaartoq, Taamaattumillu takornariartitsinernik ingerlatsisartut aaqqissuussinissaminnut periarfissaqarput.</p>
--	--	--

## Aalajangersakkanut ataasiakkaanut oqaaseqaatit

### § 1-imut

#### Nr. 1-imut

Palasip atuagarsuarnik allattuisuusup suli suliassaraa oqaluffiup ilagiinni oqaluffiit illutaannik toqusut inaat ilanngullugu nakkutilliineq, kisiannili malittarisassanik Naalakkersuisunit aalajangigaasunik tunngaveqarani, taakkua imm. 3-mi aalajangersakkat naapertorlugit aalajangerneqanngippata.

#### Nr. 2-mut

Siunnersuutigineqarpoq imm. 3-mik ikkussisoqassasoq, Naalakkersuisunik piginnaatitsissummik malittarisassiorsinnaanermut, palaseqarfiit oqaluffiit illutaannik toqusullu inaannik nakkutilliinerat pillugu. Taanna isigineqassaaq aalajangersakkami imm. 1-imik allannguinermit, siunnersuutaammat nakkutilliineq pillugu aalajangersagaqarunnaassasoq. Aalajangersagarli taanna naapertorlugu suli periarfissaqarpoq malittarisassiorsinnaanermut nakkutilliineq pissusissamisut ingerlanngippat.

#### Nr. 3-mut

Aalajangiunneqarpoq biskoppip ilinniartitaanermi maleruagassat ilinniartitaanermik aaqqissuussinikkut aalajangersartassagai. Tassani ilaatigut ilaassapput pikkorissaanermut ataatsimiititaliaq, ilinniakkamut isersinnaanermi piumasaqaatit aamma ilinniakkap imai kiisalu ilinniarsimanermut uppersaat. Allanguutissatut siunnersuutaasoq tassaassaaq ileqquusunik atortuulersitsineq, ilinniakkamik aaqqissuussineq biskoppimit suliarineqassammat.

Ilinniakkamik aaqqissuussineq Naalakkersuisunut akuerineqartussanngorlugu nassinneqartassaaq, tassalu ilinniartitaanermut, Kultureqarnermut Ilageeqarnernullu Naalakkersuisoqarfimmut. Akuersissuteqarnissami siunertaavoq qularnaarneqassammat ilinniartitaanerup naammattumik qaffasissusilimmik ilikkagassatigut pitsaassuseqarnissaa, aammalu ilinniakkanik taamaattunik aaqqissuussinerni piumasaqaatit naammassineqarnissaat, imarisamikkut pisussaaffitigullu. Kiisalu Naalakkersuisoqarfiup aamma qularnaarsinnaavaa ilinniakkamik aaqqissuussinerup ilinniartitaanerni politikikkut anguniakkanut atuuttunut naapertuuttuunissaa.

#### Nr. 4-mut

Biskoppip ilinniartitaanermik aaqqissuussineq malittarisassiortassavaa. Tassani ilaatigut ilaassapput pikkorissaanermut ataatsimiititaliaq, ilinniakkamut isersinnaanermi piumasaqaatit

aamma ilinniakkap imai kiisalu ilinniarsimanermit uppernarsaat. Allanguutissatut siunnersuutaasoq tassaassaaq ileqquusunik atortuulersitsineq, ilinniakkamik aaqqissuussineq biskoppimit suliarineqassammat.

Ilinniakkamik aaqqissuussineq Naalakkersuisunut akuerineqartussanngorlugu nassiunneqartassaaq, tassalu Ilinniartitaanermit, Kultureqarnermit Ilageeqarnermullu Naalakkersuisoqarfimmut. Akuersissuteqarnissami siunertaavoq qularnaarneqassammat ilinniartitaanerup naammattumik qaffasissusilimmik ilikkagassatigut pitsaassuseqarnissaa, aammalu ilinniakkanik taamaattunik aaqqissuussinerni piunaqataatit naammassineqarnissaat, imarisamikkut pisussaaffitsigullu. Kiisalu Naalakkersuisoqarfiup aamma qularnaarsinnaavaa ilinniakkamik aaqqissuussinerup ilinniartitaanerni politikikkut anguniakkanut atuuttunut naapertuuttuunissaa.

Nr. 5-imut

Aalajangersagaq aalajangiussivoq ilisimatitseqatigiiffiusumik ataatsimiinnerit tamanut ammasuunngitsut. Tamatumuuna paasineqassaaq taamaallaat ilagiit sinniisaat qinikkat kiisalu biskoppi imaluunniit biskoppimit piginnaatitaasoq provsti ataatsimiinnerni najuussinnaasut.

Tamatuma saniatigut siunnersuutigineqarpoq ataatsimiinnernit imaqarniliaasinnaasut allattugaataasinnaasullu isertuussassaasut. Pisortani ingerlatsinermit malittarisassat aalajangersaasut naapertorlugit ataatsimiinnerni allattuinnissamut pisussaaffeqarpoq. Taamaattorli pisariaqartinneqarpoq erseqqissassallugu taakkua isertuussassaammata, qularnaarumallugu ilagiit sinniisaat qinikkat qinnuteqartut pillugit killilersugaanngitsumik ilisimatinneqarsinnaanissaat, paasissutissanillu pisaminnik oqalliseqarsinnaanerat.

Nr. 6-imut

Imm. 2-mut

Aalajangersagaq siunnersuutigineqarpoq pinngitsoorniarlugu taasinerit maangaannarsinnaaneri. Oqaaseqaateqarnissaaq pillugu ataatsimiinnermik nutaamik ingerlatsisoqartussaaavoq qinnuteqartoq tunuarpat, ilagiit sinniisaasa oqaaseqaateqareernerini, biskoppillu suli Naalakkersuisunut inassuteqannginnerani, qularnaarumallugu taasinerit qinnuteqartunut tutsinneqarnissaat. Qinnuteqartoq qinnuteqaatiminik tunuartitsisoq taaneqarsimanngippat oqaaseqaateqarniarluni ataatsimiinnermi siullermi, nutaamik taasiniarluni ataatsimiittoqassanngilaq, taasinerit tamarmik qinnuteqartut sinnerinut agguarsimassammata, allanik qinnuteqartoqarsimappat.

Imm. 3-mut

Aalajangersagaq aalajangiivoq oqaaseqaateqarniarluni ataatsimiinnerit tamanut ammasuunngitsut. Taanna ima paasineqassaaq, ilagiit sinniisaat qinikkat kisimik, kiisalu biskoppi, imaluunniit biskoppimit piginnaatinneqartoq provsti ataatsimiinnermi najuussinnaasut.

Tamatumalu saniatigut aalajangiunneqarpoq imaqarniliaasinnaasut aamma allattugaataasinnaasut oqaaseqaateqarniarluni ataatsimiinnermiit isertuussassaasut. Aalajangersakkami qularnaarniarneqarpoq ilagiit sinniisaat killilersugaanngitsumik isummaminnik saqqummiussuisinnaasut, taakkualu kingornagut tamanut apuunneqassanngitsut. Ileqquusup tamatuma naapertorjaa periaasiusoq pisortani ingerlatsinerni atorfinitsitsisarnerni suliani periaatsit.

Tamatumalu saniatigut nalinginnaasumik oqaaseqaatit innersuunneqassapput.

Nr. 7-imut

Aalajangersakkami aalajangiunneqarpoq ilisimatitseqatigiiffiusumik ataatsimiinnerit tamanut ammasuunngitsut. Tamatumuuna paasineqassaaq taamaallaat ilagiit sinniisaanni ilaasortat qinikkat kiisalu biskoppi imaluunniit biskoppimit piginnaatitaaq provsti ataatsimiinnermi najuussinnaasut.

Tamatuma saniatigut siunnersuutigineqarpoq aalajangersarneqassasoq ataatsimiinnermiit imaqarniliortoqarsimappat allattuisoqarsimallunilu taamaattut pappialaatit isertuussassaasut. Pisortani ingerlatsinermut malittarisassat naapertorlugit ataatsimiinnermi allattuinnissamut pisussaatitsisoqarpoq. Taamaattorli pissusissamisoortinneqarluni erseqqissaasoqarnissaa taakkua isertuussassaasut, qularnaarumallugu ilagiit sinniisaat qinikkat killiligaanngitsumik paasissutissinneqarsinnaaneri qinnuteqartut pillugit, paasissutissanillu pissarsiaminnik killiligaanngitsumik oqallisigineqarsinnaaneri.

Nr. 8-mut

Imm. 2-mut

Aalajangersagaq ikkunneqarpoq pinngitsoorullugu taasinerit maangaannartinneqartarsinnaaneri. Oqaaseqaateqarniarluni ataatsimiinnermik nutaamik ingerlatsisoqartussavaoq qinnuteqartumik qinnuteqaammunik tunuartitsisoqarpat, ilagiit sinniisaasa oqaaseqaateqareerneranni, biskoppillu suli Naalakkersuisunut inassuteqaateqannginnerani. Tamanna qularnaarumallugu taasineq tamarmik qinnuteqartunut tutsinneqartarnissaat. Qinnuteqartoq qinnuteqaammunik tunuartitsisoq taaneqarsimanngippat oqaaseqaateqarniarluni ataatsimiinnermi siullermi oqaaseqaateqarniarluni nutaamik ataatsimiittoqassanngilaq. Tamatumunnga pissutaavoq taasinerit tamarmik qinnuteqartut sinnerini agguaassimassammata, allanik qinnuteqartoqarsimappat.

Imm. 3-mut

Aalajangersagaq aalajangiussivoq oqaaseqaateqarniarluni ataatsimiinnerit tamanut ammasuunngitsut. Tamanna paasineqassaaq imatut, taamaallaat ilagiit sinniisaat qinikkat kiisalu biskoppi imaluunniit biskoppip piginnaatitaa provsti ataatsimiinnermi najuussinnaasut.



Tamatuma saniatigut aalajangersagaavoq imaqarniliaasinnaasut allattugaasinnaasullu oqaaseqaateqarniarluni ataatsimiinnermeersut isertuunneqartussaasut. Aalajangersakkami qularnaarniarneqarpoq ilagiit sinniisaanni ilaasortat killilersugaanngitsunik isummaminnik saqqummiussuisinnaaneri, oqaaserineqartut kingornagut tamanut tusagassiarineqanngitsunik. Ileqqoq taanna naapertuuppoq pisortat ingerlatsiviini atorfinitsitsisarnerni periaatsinut atortinneqartunut.

Tamatumalu saniatigut nalinginnaasumik oqaaseqaatit innersuunneqassapput.

Nr. 9-mut

Aalajangersagaq ilagiit sinniisaannut periarfissiivoq akitsuummik akiliisitsisalersinnaanermik, oqaluffinnut pulaartunut, ilagiit ingerlatsinerisa avataanni. Aalajangersagaq eqqunneqarpoq ilagiit sinniisaat periarfissaqartikkumallugit, oqaluffimmik takornarianut takusaatitsinissanut, oqaluffiup ammaffiata avataani. Naatsorsuutigineqarpoq aalajangersagaq atorneqartarumaartoq oqaluffiup takornariartunut takutinneqarnissaani, kisiannili pisuni allani aamma atorneqarsinnaalluni, assersuutigalugu tusarnaartitsinerni assigisaannilu.

Akitsuutip annertussusissaa aningaasartuutitut tigussaasumik suliame pineqartunut naapertuuttuussaaq. Taakkua ilaatigut tassaasinnaapput inermut, kiassarnermut, innaallagissamut aamma akissarsianut aningaasartuutit. Ilagiit sinniisaat aningaasartuutitut naatsorsuusiortassapput, oqaluffiup ammatittarneranut aningaasartuutit suusarneri pillugit. Akitsuut ilagiit sumiiffimmi pineqartumi sullinneqarnerannut nakkartinneqassaaq. Tamanna isumaqarpoq aningaasat oqaluffinnut pineqartunut tutsinneqassasut.

Nr. 10-mut

Aalajangersagaq siunnersuutigineqarpoq allanngortinneqassasoq, imaalillugu Naalakkersuisut ilutigisaanik malittarisassiorsinnaanngorlugit akitsuutip annertussusissaanut, § 26 q-tut siunnersuutigineqartoq naapertorlugu, ilagiit sinniisaanut periarfissaqartitsisoq akitsuusiinissamut oqaluffimmut pulaarnernut naalagiartitsinernik ingerlatsinerit avataasigut. Soorlu § 26 q-mut oqaaseqaatini eqqaaneqartoq akitsuutip annertussusissaata matussuserniartussaavai aningaasartuutaasut suliame aalajangersimasumi. Kiisalu malittarisassanik aalajangersaasoqarsinnaavoq aningaasartuutitut naatsorsuusiortarneq pillugu.

Malittarisassanik aalajangersaaneq pisassaaq biskoppi isumaqatiginiareerlugu. Tamanna isigineqassaaq tunuliaqutaralugu biskoppip aqutarimmagu ilagiit qitiusumik allaffissornikkut ingerlanneqarnerat.

§ 2-mut

Imm. 1-imut

Siunnersuut atortuulissasoq 1. januar 2019. Tamanna siunnerfigalugu allannguutit atortuulersinnaaneri akuersissutigineqareersimatsiarlutik, nalunaarutigineqareernerimikkut.

Imm. 2-mut

Siunnersuutigineqarpoq Namminersornerullutik Oqartussat nalunaarutaat nr. 15, 26. april 1985-imeersoq Kalaallit Nunaanni ajoqissat ilinniartitaanissaannut tunngasoq aamma Kalaallit Nunaanni organistit ilinniartitaasalernissaannik Namminersornerullutik Oqartussat nalunaarutaat nr. 26, 1. december 1987-imeersoq atorunnaarsinneqassasut. Tamanna tunngavilerneqarpoq ilinniakkanik aaqqissuussinerit nalunaarutininik taarsisut pigineqareernerannik.